

Канон пред Ахтырской иконой Пресвятой Богородицы

Празднуем 2 (15) июля

Тропарь, глас 4-й

Преблагословенная Дѣво, Богородительнице Чистая, у Креста Сына Твоего и Бога нашего предстоящи, скорбь велию претерпела еси и благодать от Него прияла еси сущия в скорбех утешати. Темже на пречистый образ Твой благоговейно взирающе и изображенную Тя на нем пред Крестом Спаса нашего видяще, умиленно к Тебе вопиём: Заступнице Усердная, благая и милостивая! Ускори избавити ны от всякия скорби, нужды и болезни и спаси души наша, да Тя со благодарением славим во веки.

Канон, глас 4-й

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Той чудеса.

Припев: Пресвятая Богородице, спаси нас.

Даждь нам слово, Слове Божий, Иисусе Всеблагий, воспети радостное явление иконы рождшия Тя Богоневесты и преславная Той чудеса, в нихже сила Твоя Божественная славно прославися.

Пресвятая Богородице, спаси нас.

О, предивнаго Твоего чудесе, Владычице, и многого милосердия к людям: се бо икону Твою честную в былии травном солнцеподобным сиянием иерееу благоговейну являеши днесь и исцелений множество от нея источаеши недужным, яко Всемиловитая.

Слава: Ты, о Богомати, рождшая Претерпевшаго нас ради на древе Крестном распятие, умоли Его благость, еже страдание Его всегда памятовати, волю же Его Божественную творити и благ Небесных наследники быти.

И ныне: Владычице Всеблагая, умоли Сладчайшаго Сына Твоего и Господа, рукописание грех наших на Кресте пригвоздившаго, да сподобит нас достойно одесную Его стати и глас благий Его слышати, егда придет во славе Своей.

Песнь 3

Ирмос: Твоя песнословцы, Богородице, Живый и Независтный Источниче, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Во образе невесты явилася еси во сне, Богородице, обрешему икону Твою иерееу Даниилу, лице Твое на иконе омыти водою повелеваючи, и сия, яко врачевство Богоданное, во исцеление недужным явися.

Пресвятая Богородице, спаси нас.

В скорбех многих и гонениях скончати жизнь временную обрешему икону Твою иерееу судила еси: да, яко злато, в горниле скорбей очистився, достоин

явится блаженнаго в вѣчности упокоенія.

Слава: Омраченнах нас грехи многими, о Мати Божия, просвети и на стезю спасительную покаяния направи, отверзи очи наша душевная, якоже очи телесная слепой женѣ и слепому отроку пред иконою Твоею отверзла еси, да узрим свет спасенія и имя Твое прославим святое во веки.

И ныне: Страстей нечистых беснованіе обуревает нас, Госпоже Всемиловитая, и иныя Помощницы, разве Тебѣ, Всеблагая, не имамы, от сего душегубительнаго беснованія избави нас, якоже многія беснуемыя от насилія вражия пред иконою Твоею свободила еси, яко Всесильная.

Господи, помилуй (*трижды*). Слава, и ныне:

Седален, глас 4-й

Яко воистинну Божественное украшеніе Церкви и залог милости Твоея к христоименитым людем икона Твоя, Богородице Дѣво, показася: всяк бо, с верою к ней приходяй, в недужех исцеленіе, в скорбех утешеніе, в бедах вспоможеніе от Тебѣ скоро приѣмлет, Всемиловита бо сущи, милости Твоея источник в чудотворнем образе Твоем нам zde являеши, да славим имя Твое преблагословенное во веки.

Песнь 4

Ирмос: Седяй в Славе на Престоле Божества во облаце легце, прииде Исус Пребожественный Нетленною Дланию и спасе зовущия: слава, Христе, силе Твоей.

Пресвятая Богородице, спаси нас.

Единаго возлюбити Христа сподоби нас, Владычице, и Ему присно угождати Сама научи нас, Всеблагая, якоже болящую Евфимию, во сне той явльшися, ко храму Твоему прити наставила еси и в нем исцеленіе недужом просити.

Пресвятая Богородице, спаси нас.

Житие непорочное на земли совершити помози нам, Преблагословенная Дѣво, и от расслабленія греховнаго рукою Твоею державною свободи нас, якоже зело расслабленнаго Моисея пред иконою Твоею исцелила еси преславно.

Слава: Ты, о Благодатная, в милостивом явленіи чудотворнаго Твоего образа страну нашу благодатно посетила еси и ныне чудотворенными, от него бываемыми, нас посещаеши, ихже множество исцелити невозможно, но, елико мощно, сия благодарне во славу Твою исповедуем.

И ныне: Благочестно отвсюду, о Богомати, к чудотворней иконѣ Твоей притекающия и усердно поклоняющияся милостей Твоих и щедрот не лишаети, от бед сия спасающа, от недуг избавляюща, духи лукавыя от них прогоняюща, утешеніе же и здравіе всем подающа, яко Всеблагая.

Песнь 5

Ирмос: Ужасошася всяческая о Божественной славе Твоей: Ты бо, Неискусобращная Дѣво, имела еси во утробѣ над всеми Бога и родила еси Безлетнаго Сына, всем воспевающим Тя мир подающая.

Пресвятая Богородице, спаси нас.

К Твоей, Дѣво, прибегаем благости и очи сердец наших к Тебѣ, Чистая, возводим: не презри воздыханій наших молитвенных, но буди нам покров и Помощница в День судный.

Пресвятая Богородице, спаси нас.

Едина всем еси Предстательница, Богомати Владычице: услыши убо наша моления, пред чудотворным образом Твоим днесь приносимая, и сподоби нас в будущем веке узрети Тя купно с Сыном Твоим, на облацех во славе грядущим, и глас Божественный Его слышати, призывающий в Царство Небесное.

Слава: Земля Российская явлением чудотворного Твоего образа, Владычице, освятися, и град малый велик и знаемь по благодати Твоей во всех концах явися: в нем бо драгоценное сокровище блюдется – Твоя целебная икона, залог сый Твоего к нам благоволения.

И ныне: Лютыми помышлениями от лукавых враг стужаемых нас не остави погибнути до конца, Богородительнице: трепещут бо силы Твоея души тьмы и боятся имени Твоего, якоже многажды у иконы Твоея чудотворныя сия изъявишася. Ихже злодейства и нас избави, упование на Тя возложивших.

Песнь 6

Ирмос: Божественное сие и всечестное совершающее празднество, Богомудрии, Богоматере, приидите, руками восплещим, от Нея рождаемого Бога славим.

Пресвятая Богородице, спаси нас.

Освящение, здравие и спасение душам и телесам нашим, Мати Божия, от святых Твоея иконы подавши, ейже благочестно поклоняемся и усты и сердцем благоговейно сию целуем, Твоя чудеса и неисчетную милость к христианскому роду присно славяще.

Пресвятая Богородице, спаси нас.

Кое благодарение принесем Ти, Богородице, яко в последняя лета такового дара сподобила еси нас, даровавши нам многоцелебную Твою икону? Тем убо, о Всеблагая, о таковой неизреченней милости достойно благодарити Тя Самая нас научи.

Слава: Боголепное явление Пречистой иконы Твоея, Владычице, новое явление Божия благодати, Православной Церкви присущей, в посрамление ересей и расколов показався и яко новое утешение свыше всем православным и верным ей сыном подается.

И ныне: Мати Божия милосердая, милости Твоея двери отверзи нам, озари нас светом Божественных благодати Твоея и от мысленных волков соблюди нас невредимых, в Православии нерушимом сподобивши нас благоугождати Сыну Твоему и Богу и прияти живота конец благий.

Господи, помилуй (*трижды*). Слава, и ныне:

Кондак, глас 8-й

Притецем, вернии, к благодатному милостей и щедрот источнику – чудотворному Пречистой Девы образу: сей бо нам свыше даровася, душам и телесам во спасение, емуже поклоняющася с любовью, возопием к Богородице: о Всепетая Мати, о Царице Всемиловитая, покрый и соблюди нас от всякого зла Твоим к Богу матерним предстательством.

Икос

Преславное явление иконы Твоея, Богородице, радости исполни сердца верных сынов Православной Церкви: царие бо и святители о сем возликоваша, и вси людие утешения Небесного исполнишася, яко в последняя наша времена таковой дар Божия благодати России свыше дарован бысть Твоим

благопромышлѣнием, Владычице. Молимъ убо Твою благасть, умилно к чудотворному Твоему образу припадающе: спасай всех нас от всякаго зла Твоимъ к Богу матернимъ предстательствомъ.

Песнь 7

Ирмос: Не послужиша твари Богомудрии паче Создавшаго, но, огненное прещение мужески поправше, радовахуся, поюще: препетый отецъ Господь и Бог, благословенъ еси.

Пресвятая Богородице, спаси нас.

Вдовицъ заступлѣние и сиротъ Покровительнице, Владычице Пречистая, некия умирающия матери молитву о чадахъ ея услышала еси и, паче надеяния сиротствующия дщери ея благоустроила еси, яже славити навыкоша милость Твою по вся дни живота своего.

Пресвятая Богородице, спаси нас.

Извещѣние от Тебѣ, Богородице, благочестивая императрица Елисавета приимши, сиротствующия две отроковицы под кров своего попечѣния восприятъ, Твою же икону честную zelo возлюби и новый храмъ вместо ветхаго от щедротъ своихъ царскихъ благолепно сооруди.

Слава: Известная верныхъ еси Помощница и всякихъ благъ Подательница, Пречистая Дево, иконою бо Твоею чудотворною неисчетныя милости просящимъ подаеши и вся спасаеши, иже Тебѣ верно вопиютъ от души: помилуй и спаси нас, Владычице.

И ныне: Мати Божия Всеблагая, милосердыхъ щедротъ Твоихъ не лишѣ насъ, обнищавшихъ во гресехъ, и от челюстей мысленнаго волка исхити души наша, да не погибнемъ до конца, но приносимъ присно плоды покаяния Богу.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизаетъ пѣти Тебѣ: Господа пойте, дела, и превозносите Его во вся веки.

Пресвятая Богородице, спаси нас.

О, преславныхъ чудесъ Твоихъ, Владычице, и многого Твоего к человеку состраданія: единымъ бо прикосновѣниемъ к иконѣ Твоей немощныя врачуеши и издалече, в соннихъ и видѣннихъ, к ней требующихъ Твоего заступлѣния призываеши.

Пресвятая Богородице, спаси нас.

Вода освященная и елей от лампады иконы Твоея святыя недуги неисцельныя, Богородице Дево, врачуютъ и оныя с верою приемлющимъ во исцелѣние и спасѣние бывають; сего ради Тя, Целительницу, ублажаемъ и чудеса Твоя, от иконы Твоея явленная и присноявляемая, славимъ.

Слава: Воспѣти пречистаго образа Твоего явлѣние сподоби насъ, Владычице, и пеній нашихъ хвалѣбныхъ, Тебѣ от усердия возносимыхъ днесь, не презри, но приими, Всепетая, молитвы рабъ Твоихъ и подаждь намъ в нуждахъ и бедахъ помощь Твою державную и Твоего заступлѣния благодать.

И ныне: Днесь радости исполнила еси насъ, Богородице, явивши намъ икону Твою святую дивно, на нюже взирающе и с любовью ей поклоняющеся, Тебѣ сице вопиемъ: Мати Божия, спаси градъ и страну явлѣниемъ иконы Твоея прославленныя и вся ны помилуй, яко милосердая Предстательница.

Песнь 9

Ирмос: Всяк земнорóдный да възгра́ется, Ду́хом просвещáемь, да торжествует же Безплóтных умóв естество, почита́ющее священное торжество Богомáтере, и да вопи́ет: радуйся, Всеблаже́нная Богорóдице, Чистая Присноде́во.

Пресвята́я Богорóдице, спаси́ нас.

Явлéние предивныя ико́ны Твоея́, Ма́ти Бóжия, славослóвим радостно: сия́ бо, в бы́лии травно́м свéтом Божéственным сия́ющая, яви́ся и чудес́ множество сотвори́, я́ко воистинну Твоего́ к нам благово́ления залóг Богодарова́нный.

Пресвята́я Богорóдице, спаси́ нас.

Я́ко звезда́ светозáрная, ико́на Твоя́, Пресвята́я Богорóдице Де́во, явлéнием своим Цéрковь Росси́йскую благода́тно озари́: лучи́ бо чудес́ испущáет и ве́рныя ду́ши к славослóвию Бóга, всельша́гося в Тя, привóдит, я́ко Тобо́ю па́дшему челове́честву благоде́ющего.

Слава: Еди́наго от Трóицы нетлénно, рóждши, Богороди́тельнице, ма́тернее к Немú дерзнове́ние има́ши: слы́шит, бо моли́тву Твою́ Сын Твой и Бог и ми́лостивно к проше́нию Твоему́ приклоня́ется, Егóже не престáй моли́ти за род христиáнский, при́сно в пéснях Тя сла́вящий.

И ны́не: Приими́ на́ша хвале́бныя гла́сы, Влады́чице, и пéние смире́нное не отвéрни, но, я́ко Сын не́когда Твой две ле́пте вдови́цы при́ят, та́ко и на́ше славослóвие благоуго́дно да бу́дет пред Тобо́ю. Сла́ва Тебе́, Богорóдице Де́во, ико́ною Твое́ю честно́ю пресла́вная чудеса́ творя́щей, сла́ва Тебе́.